

## «Mir gänn ain uss! 25 Joor Escargots-Fratze 1993»

S isch fascht nit zum glaube und s isch wiirgglig kai Scheerz und woor, an dr Fasnacht hänn mir eppis zum fyyre, denn uns gits scho syt 25 Joor. Syt ere lange Zyt sin mir mit unserem Waage bereits unterwäggs uff dr Gass. Dien e Sujet an dr Fasnacht usspiile, viili Sache verdaile mit gossem Spass. Zum jubiliere und zämme mit euch z fyyre hänn mir drum alle Grund. Das wämmer zaige, diens zelebriere, gänn ain uss und dryybes bunt. Syt em 1993 het sich viil eraignet. Kasch es fascht nit glaube, jeedi Wett. Drum e klaine Rüggblogg in 90ger Joor, wo me scho fascht vergässe het.

Vo dr ganze Digidalisierig und Globalisierig hesch no zimmlig Rue. S Internet isch noni by viilne bekannt und steggt no in de Kinderschue. Und wär bereits dehaime im Netz het gsörft, het sich miesam miesse yywääle. Die wo d 90ger erlābt hänn kenne s Modemgrüsch, wo d Oore duet quääle. Wenn me denn ändlig emol im Internet gsii isch, hesch miesse bressiere, well Aine bald zu dir grieft het: „Gib d Laitig frey ich muess delifoniere!“ Wenn de denn bereits e Handy ka hesch, denn sicher vom Nokia Härsteller. Dä bringt denn all baar Monet e nöis Modäll use, wo gilt als Bestseller.

Smart sin d Händys aber no überhaupt nit, s Display no schwarz und wyss. Kaini Selfies vo doo und döört, d Kamera immer drbyy, hüt e riisigs gschyys. Fründe sin in de 90ger no real und me dailt mitenander au nit jede Shit. Facebook, Twitter, Instagram sin noni erfunde und waas es no alles git. Jedes Land in Europa het no syni aigeni Wäärig, s git no kai EURO. Drum hesch zu dere Zyt au no kai Franggekreise irgenwoo vernoo. Mir wänn aber nit saage, dass in de 90ger Joor alles besser gsi isch als hütt. Nai, au zu dere Zyt hets safftigi Sujet zum usspiile gää über Sache und Lüt.

S het dr Billy Clinton in den USA regiert -e Skandal- sini Affääre allne bekannt. Hüt regiert e „Trump-el“, dasch no viil schlimmer, s fält iim an Verstand. Jä au in unseere aigene Raaie, was denn uns Schwiizer aabelange duet Für e Strytt aazettle mit dr EU sin mir in all dene Joore immer wider guet. Wotsch emol bitz wyter in d Feerie goo, do isch me mit dr Swissair gflooge. S git se nüm. Defür hänn mir jetzt e Swiss aber die kört laider de Schwoobe. No wär do no unseere FCB, dä spiilt aafangs vo de 90ger no in dr Nati B. D Schwiizer Nati olee, kasch nach fascht 30 Joor wider emol an dr WM gsee.

S aint und s ander Thema hänn mir in de vergangene Joor als Sujet gnoo. Bolitigg, Wältgschee, e lokaali Gschicht. S git immer e Grund, do sin mir froo. Drum sin mir Überzüg, dass au in de näggschte 25 Joor dr Stoff nit usgoot. Und en Eraigniss oder irgend e Debb by uns uf em Waage als Sujet stoot. D Boscht goot au by uns an dr Fasnacht ab, lueg unseere Waage hejoo dängg. Nit nur mit brominānte Theeme und Lüt, nai au mit uns hesch s Gschängg. Drum hänn mir nit lang zögeret und makes ooni schnigg und schnagg. Hänn kurzerhand unseere ganze Waggiswaage in e Gschänggli verphaggt.

E schööni Fasnacht.

[www.escargots-fratze.ch](http://www.escargots-fratze.ch)

s goldige Röppli




Hilf dr bescht Wage vo dr Fasnacht zfinde und schigg e SMS (Fr. 0.40/SMS) vom Morge- bis Ändstraich mit em **Inhalt: Waage (Nr.)** an d Nummere 9234 und gwinne e Goldvreneli (**Mr hän d Nummere 088!! ☺**)

PS:

D Ladäärne-Uustellig uff em Minschterplatz und D Waage- und Reggwisyte-Uustellig bi dr Kasäärne sin vom Määntig znacht bis am Mittwuch demoorge! Deert und an de 3 Verkaufsständ (CINS) in dr Stadt ka men au alli Zeedel und Schnitzelbängg, d Blaggedde und dr Rädäbäng kaufe.

Am Fritig und Samschtig, 23. und 24. Februar 2018 isch Noochwuggswärbig vo dr 1. Lektion im Zält uff em Barfi.

D'Zeedelläsete isch am Sunntig noo dr Fasnacht 2018 am 25. Februar vom Fimfi bis am Siibeni zoobe, in dr Baseldytschi Bihni (im Lonhof 4). Dr Ytritt isch vergäbe. D Foyer-Bar isch vom Vieri ewäg offe.



## «Mir gänn ain uss! 25 Joor Escargots-Fratze 1993»

S isch fascht nit zum glaube und s isch wiirgglig kai Scheerz und woor, an dr Fasnacht hänn mir eppis zum fyyre, denn uns gits scho syt 25 Joor. Syt ere lange Zyt sin mir mit unserem Waage bereits unterwäggs uff dr Gass. Dien e Sujet an dr Fasnacht usspiile, viili Sache verdaile mit gossem Spass. Zum jubiliere und zämme mit euch z fyyre hänn mir drum alle Grund. Das wämmer zaige, diens zelebriere, gänn ain uss und dryybes bunt. Syt em 1993 het sich viil eraignet. Kasch es fascht nit glaube, jeedi Wett. Drum e klaine Rüggblogg in 90ger Joor, wo me scho fascht vergässe het.

Vo dr ganze Digidalisierig und Globalisierig hesch no zimmlig Rue. S Internet isch noni by viilne bekannt und steggt no in de Kinderschue. Und wär bereits dehaime im Netz het gsörft, het sich miesam miesse yywääle. Die wo d 90ger erlābt hänn kenne s Modemgrüsch, wo d Oore duet quääle. Wenn me denn ändlig emol im Internet gsii isch, hesch miesse bressiere, well Aine bald zu dir grieft het: „Gib d Laitig frey ich muess delifoniere!“ Wenn de denn bereits e Handy ka hesch, denn sicher vom Nokia Härsteller. Dä bringt denn all baar Monet e nöis Modäll use, wo gilt als Bestseller.

Smart sin d Händys aber no überhaupt nit, s Display no schwarz und wyss. Kaini Selfies vo doo und döört, d Kamera immer drbyy, hüt e riisigs gschyys. Fründe sin in de 90ger no real und me dailt mitenander au nit jede Shit. Facebook, Twitter, Instagram sin noni erfunde und waas es no alles git. Jedes Land in Europa het no syni aigeni Wäärig, s git no kai EURO. Drum hesch zu dere Zyt au no kai Franggekreise irgenwoo vernoo. Mir wänn aber nit saage, dass in de 90ger Joor alles besser gsi isch als hütt. Nai, au zu dere Zyt hets safftigi Sujet zum usspiile gää über Sache und Lüt.

S het dr Billy Clinton in den USA regiert -e Skandal- sini Affääre allne bekannt. Hüt regiert e „Trump-el“, dasch no viil schlimmer, s fält iim an Verstand. Jä au in unseere aigene Raaie, was denn uns Schwiizer aabelange duet Für e Strytt aazettle mit dr EU sin mir in all dene Joore immer wider guet. Wotsch emol bitz wyter in d Feerie goo, do isch me mit dr Swissair gflooge. S git se nüm. Defür hänn mir jetzt e Swiss aber die kört laider de Schwoobe. No wär do no unseere FCB, dä spiilt aafangs vo de 90ger no in dr Nati B. D Schwiizer Nati olee, kasch nach fascht 30 Joor wider emol an dr WM gsee.

S aint und s ander Thema hänn mir in de vergangene Joor als Sujet gnoo. Bolitigg, Wältgschee, e lokaali Gschicht. S git immer e Grund, do sin mir froo. Drum sin mir Überzüg, dass au in de näggschte 25 Joor dr Stoff nit usgoot. Und en Eraigniss oder irgend e Debb by uns uf em Waage als Sujet stoot. D Boscht goot au by uns an dr Fasnacht ab, lueg unseere Waage hejoo dängg. Nit nur mit brominānte Theeme und Lüt, nai au mit uns hesch s Gschängg. Drum hänn mir nit lang zögeret und makes ooni schnigg und schnagg. Hänn kurzerhand unseere ganze Waggiswaage in e Gschänggli verphaggt.

E schööni Fasnacht.

[www.escargots-fratze.ch](http://www.escargots-fratze.ch)

s goldige Röppli



Hilf dr bescht Wage vo dr Fasnacht zfinde und schigg e SMS (Fr. 0.40/SMS) vom Morge- bis Ändstraich mit em **Inhalt: Waage (Nr.)** an d Nummere 9234 und gwinne e Goldvreneli (**Mr hän d Nummere 088!! ☺**)

PS:

D Ladäärne-Uustellig uff em Minschterplatz und D Waage- und Reggwisyte-Uustellig bi dr Kasäärne sin vom Määntig znacht bis am Mittwuch demoorge! Deert und an de 3 Verkaufsständ (CINS) in dr Stadt ka men au alli Zeedel und Schnitzelbängg, d Blaggedde und dr Rädäbäng kaufe.

Am Fritig und Samschtig, 23. und 24. Februar 2018 isch Noochwuggswärbig vo dr 1. Lektion im Zält uff em Barfi.

D'Zeedelläsete isch am Sunntig noo dr Fasnacht 2018 am 25. Februar vom Fimfi bis am Siibeni zoobe, in dr Baseldytschi Bihni (im Lonhof 4). Dr Ytritt isch vergäbe. D Foyer-Bar isch vom Vieri ewäg offe.